

REPOBLIKAN'I MADAGASIKARA  
Fitiavana – Tanindrazana - Fandrosoana



Ministère de l'Industrialisation, du Commerce et de la Consommation

**Antso ho an'ny tetikasa fitantanana ny milina FAMOKARANA CHIPS,  
ho fanatanterahana ny fametrahana Indostria isaky ny distrika  
« ONE DISTRICT ONE FACTORY (ODOF)  
Distrika FARATSIHO – Faritra VAKINANKARATRA  
— oOo —**

**AMI N°05/23/MICC/SG/DRICC.VAK**

Daty fiantsoana tetikasa : Alatsinainy faha 20 novambra 2023

- 1- Raha ny eto Madagasikara no jerena ara-tarehimarika, dia ambany ny tahan'ny harinkarena faobe avy amin'ny indostria : 15% tamin'ny taona 2015. Niakatra kely ho 17% izany tamin'ny taona 2020. Hiaraha-mafantatra nefa fa tokony omena lanja ny sehatry ny fanodinana ireo akora fototra eto amin'ny firenena satria ny vokatra voahodina avy amin'ny fambolena sy fiompiana dia be mpitady eo amin'ny tsena iraisam-pirenena
- 2- Ho fanohanana ny fampiasam-bola amin'ny sehatry ny indostria, Ministeran'ny fampiroboroana ny Indostria, ny Varotra sy ny Fanjifana (MICC) dia manana ny praograman'asa « **ONE DISTRICT ONE FACTORY (ODOF)** » izay tetikasa fandraharahana isa-tanana hametrahana ireo Veliranon'ny Filohan'ny Repoblika :
  - ❖ Ny fampiroboroana ny indostria eto Madagasikara amin'ny alalan'ny fanohanana ny fandraharahana sy ny fampiasam-bola amin'ny sehatry ny indostria ary ny fampiroboroana ny « **vita Malagasy** » (velirano faha 7) ;
  - ❖ Ny famoronana asa mendrika ho an'ny vondrom-piarahamonina eny ifotony amin'ny alalan'ny famoronan'asa sy fiofanana ary fanatsarana ireo traikefa fototra (Velirano faha 6) ;
  - ❖ Ny fahavitan-tena ara-tsakafo amin'ny alalan'ny fampitomboana ny famokarana ireo akora fototra vokatra ny fambolena, ny jono sy ny fiompiana, ny fanohanana ny tantsaha sy ny fanavaozana ary ny fampandrosoana ny teknolojia vaovao (Velirano faha 9)
- 3- Ho santarina eto amin'ny Distrikan'i Faratsiho araka izany ny antso ho an'ny tetik'asa izay haporitaka,mba ahafahana mifantina ireo izay hitantana ny milina famokarana chips.
- 4- Ho fanomanana izany fiantsoana tetikasa santatra izany, ny Ministeran'ny Fampiroboroana ny Indostria, ny Varotra sy ny Fanjifana dia manao izao antso avo izao ho an'ireo mpandraharaha madinika sy salantsalany rehetra eo amin'ny sehatry ny famokarana sy fanodinana ovy eto amin'ny Faritra Vakinankaratra.
- 5- Ireo mpandraharaha liana amin'izany dia tsy maintsy mahafeno ireto fepetra manaraka ireto ; miorina eto amin'ny faritra Vakinankaratra, misehatra eo amin'ny famokarana sy fanodinana ovy mijoro ~~ara-dalana~~, tsy manana olana na fahatarana amin'ny fanefana ireo adidy ara-tsosialy sy ny fandoavan-ketra (NIF, STAT, RCS)
- 6- Ireo mpandraharaha voafantina dia tsy maintsy hiara-miasa amin'ny « Plateforme Régionale de pomme de terre » izay hivondronan'ireo kaoperativa amin'ny sehatry ny ovy ao amin'ny Faritra.



- 7- Ny fanehoana ny fahalianana dia tsy maintsy mifanaraka amin'ny modely voarafitra mipaingotra amin'ity fiantsoana tetikasa ity (jereo ny Annexe1). Ary izany dia alefa amin'ny adiresy mailaka [olivia\\_fmme@gmail.com](mailto:olivia_fmme@gmail.com) sy [zpvakinankaratra.micc@gmail.com](mailto:zpvakinankaratra.micc@gmail.com) ary aterina tanana ao amin'ny adiresy voalaza etsy ambany.
- 8- Ny fe-potoana fara-fanehoana ny fahalianana dia ny Alatsinainy faha 11 desambra 2023, amin'ny 04 ora hariva, ary aterina ao amin'ny biraon'ny Fitaleavam-paritry ny Fampiroboroana ny Industria, ny Varotra sy ny Fanjifana Vakinankaratra (Biraon'ny Sampandraharaham-paritry ny Industria EX-Hypodrome Vatofotsy Antsirabe)
- 9- Raha mila fanazavana fanampiny, ireo mpandraharaha dia asaina hitsidika tranokalan'ny Ministeran'ny Fampiroboroana ny Industria, ny Varotra sy ny Fanjifana (MICC) [www.micc.gov.mg](http://www.micc.gov.mg), na hanantona ny fitaleavam-paritry ny Ministera eto Vakinankaratra ao amin'ny Biraon'ny Sampandraharaham-paritry ny Industria EX-hypodrome Vatofotsy Antsirabe.

N.B : Azo jerena miaraka amin'ity antso ity ny modelin'ny taratasy fanehoana fahalianana



**ANNEXE 1 : MODEL Y FANEHOANA FAHALIANANA**

Anaran'ny orinasa :

NIF :

Stat :

RCS :

Adresin'ny mpandraharaha (Fokontany / Kaominina hamaritana) :

Laharana an-tarobia :

Adiresy mailaka :

Antony : Taratasy fanolorana fahalianana amin'ny fahazoana milina famokarana Chips ho fampiharana ny tetikasa  
« ONE DISTRICT ONE FACTORY (ODOF) »

langaviana mba hasongadina amin'ny andalana vitsivitsy ireto teboka manaraka ireto :

- Inona marina ny tena asa fandraharahana ataonao ? (fintina fohy mikasika ny asa fandraharahana ataonao)
- Iza avy ireo faritra voakasiky ny fanatanterahana ny asa fandraharahana ataonao ? (Fokontany / Kaominina)
- Nanomboka oviana ianao no nisehatra teo amin'ny fandraharahana ?
- Inona avy ny tombony sy vokatsoa mety ho entin'ny fahazoana io milina famokarana Chips io amin'ny seham-piharianao ?

(Daty, toerana, sonia)

